

ԱՐՁԱՆԱԳՐՈՒԹՅՈՒՆ

Գեղարքունիքի մարզի Վարդենիս համայնքի Արեգունի բնակավայրում կրթահամալիր կառուցման շրջակա միջավայրի վրա ազդեցության գնահատման հաշվետվության երկրորդ հանրային լսման վերաբերյալ

19.11.2024թ.

Արեգունի բնակավայր

Հանրային լսմանը մասնակցում էին՝

- հանրային լսման պատասխանատու՝ «Շրջակա միջավայրի վրա ազդեցության փորձաքննական կենտրոն» ՊՈԱԿ-ի առաջատար մասնագետ Ռուզան Մակինյանը,
- Վարդենիս համայնքի ղեկավարի օգնական՝ Ալիկ Եղիազարյանը,
- Արեգունի բնակավայրի վարչական ղեկավար՝ Հայկ Խաչատրյանը,
- Տարածքային զարգացման հիմնադրամի մասնագետ՝ Սոնա Գևորգյանը,
- «ՀԱԼԴԻ ՔՈՆՍԱԼԹ» ՍՊԸ-ի ներկայացուցիչ՝ Խաչատուր Բուդումյանը,
- Արեգունի բնակավայրի դպրոցի տնօրենը՝ Ամալյա Պատվականյանը և բնակիչները:

«Շրջակա միջավայրի վրա ազդեցության գնահատման և փորձաքննության մասին» օրենքի (03.05.2024թ. ՀՕ-150-Ն, այսուհետ՝ Օրենք) համաձայն, ինչպես նաև ՀՀ կառավարության 28 դեկտեմբերի 2023 թվականի N2343-Ն որոշմամբ /այսուհետ՝ Որոշում/ սահմանված կարգով 2024թ. նոյեմբերի 19-ին ժամը 11:00-ին Վարդենիս համայնքի Արեգունի բնակավայրի վարչական շրջանի ղեկավարի նստավայրում տեղի ունեցավ Արեգունի բնակավայրում կրթահամալիրի կառուցման շրջակա միջավայրի վրա ազդեցության գնահատման հաշվետվության երկրորդ հանրային լսումը:

Հանրային լսումները վարեց «Շրջակա միջավայրի վրա ազդեցության փորձաքննական կենտրոն» ՊՈԱԿ-ի առաջատար մասնագետ Ռուզան Մակինյանը, ով հանդես եկավ բացման խոսքով՝ ներկայացրեց փորձաքննական գործընթացը և կատարված աշխատանքները: Հաշվետվությունն Օրենքով սահմանված կարգով ներկայացվել է շրջակա միջավայրի նախարարության ստորաբաժանումներին և տարբեր գերատեսչությունների կարծիքներ ստանալու համար: Փորձաքննության իրականացման արդյունքում հաշվետվության վերաբերյալ եղել են առաջարկություններ և դիտողություններ, որոնք հաշվի են առնվել լրամշակում կատարելիս և հաշվետվությունը ներկայացվել է նախաձեռնողին լրամշակման:

Լրամշակված հաշվետվությունը նախաձեռնողի կողմից լիազորն մարմին մուտք լինելուց հետո, օրենքով և կառավարության Որոշման պահանջներին համապատասխան նշանակվել են հանրային լսումներ: Այս հանրային լսումն օրենքով 2-րդն է, 1-ին հանրային լսման արդյունքում համայնքի ավագանին տվել է իր նախնական համաձայնությունը:

Համաձայն կառավարության Որոշման շահագրգիռ հանրության գրավոր կամ էլեկտրոնային կարծիքները, դիտողությունները կամ առաջարկությունները՝ առկայության դեպքում պետք է ներկայացվեն ծանուցումից հետո՝ 20 աշխատանքային օրվա ընթացքում փորձաքննական կենտրոն:

Այնուհետև Փորձաքննական կենտրոնի մասնագետը **Ռուզան Մակինյանը** ներկայացրեց նախատեսվող գործունեության վերաբերյալ տեղեկատվությունը, թե ՇՄԱԳ հաշվետվությամբ ինչ է նախատեսվում իրականացնել, ներկայացրեց կառուցապատման տեխնիկական ցուցանիշները՝ նախագծի հետ համեմատելու և տվյալները ճշգրտելու նպատակով, ինչպես նաև շինհրապարակի կազմակերպման աշխատանքները: Փորձագետը ներկայացրեց շրջակա միջավայրի վրա ազդեցությունները և ՇՄԱԳ հաշվետվությամբ ներկայացված ազդեցությունների մեղմման վերաբերյալ նախատեսված միջոցառումները մասնավորապես՝ փոշենստեցման, շինհրապարակում անիվների լվացման հարթակի, աշխատանքների ավարտից հետո տարածքի բարեկարգման և կանաչապատման և այլնի վերաբերյալ:

Ռուզան Մակինյանը հարց բարձացրեց նախատեսվող գործունեության համար անհրաժեշտ ենթակառուցվածքների մասին:

Արեգունի բնակավայրի վարչական ղեկավար՝ Հայկ Խաչատրյանը, նշեց, որ բնակավայրը գազաֆիկացված չէ, բնակավայրի ջրամատակարարումն իրականացվում է խորքային հորից, որտեղից նաև նախատեսված է իրականացնել կրթահամալիր ջրամատակարարումն:

Ռուզան Մակինյանը հարցրեց արդյոք ջուրը կբավարարի բնակավայրին և դպրոցին:

«ՀԱԼԴԻ ՔՈՆՍԱԼԹ» ՍՊԸ-ի ներկայացուցիչ՝ Խաչատուր Բուդումյանը պատասխանեց, որ կրթահամալիրի նկուղային հարկում նախատեսված են ջրի երկու ռեզերվուր և ջուր այնտեղ կլցվի գիշերային ժամերին, ինչը չի խանգարի բնակավայրի ջրամատակարարումն և հավելեց, որ ինչ վերաբերվում է նախատեսվող գործունեության տարածքի էլեկտրամատակարարումը, ապա դա կիականացվի «Հայաստայի էլեկտրական ցանցեր» ՓԲԸ-ի կողմից՝ պայմանագրի հիմունքներով:

Ռուզան Մակինյանը հարցրեց կրթահամալիրի ջրահեռացումն ինպես է կազմակերպվելու:

Խաչատուր Բուդումյանը պատասխանեց, որ կոյուղու համար նախատեսված է կենսաբանական մաքրման կայան, որտեղից կոյուղաջրերը մաքրման ենթակվելուց հետո կմղվեն ցամաքուղային հոր:

Ռուզան Մակինյանը առաջարկեց շինարարական աղմկահարույց աշխատանքների ընթացքում աշխատավայրում իրականացնել աղմուկի և թթոթի գործիքային չափում, առաջարկեց նաև, որ շինարարական հրապարակը կարելի է սահմանազատել 2 մ բարձրությամբ ոչ մետաղական ցանկապատով՝ ամրություն ունեցող պոլիէթիլային թաղանթով, ինչը կարող է հանդիսանալ նաև աղմկակլանիչ էկրան:

Առաջարկը ստացավ դրական արձագանք և ընդունվեց կազմակերպության ներկայացուցիչների կողմից:

Ռուզան Մակինյանը հավելեց, քանի որ նախատեսվող գործունեության տարածքում բացակայում են Կարմիր գրքյան բուսատեսակները, կենդանատեսակները, ինչպես նաև պատմության և բնական հուշարձանները :

Հանրային լուծմներում այլ առաջարկներ և դիտողություններ չներկայացվեցին:
Հանրային լուծմներն ամբողջությամբ լուսանկարվել է «Շրջակա միջավայրի վրա ազդեցության փորձաքննական կենտրոն» ՊՈԱԿ-ի և Արեգունի վարչական շրջանի աշխատակցի կողմից:

Արձանագրությանը կցված է հանրային լուծմների մասնակիցների ցանկը:

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
առաջատար մասնագետ՝

Ռուզան Մակինյան

«ՀԱԼԴԻ ՔՈՆՍԱԼԹ» ՍՊԸ-ի ներկայացուցիչ՝

Խաչատուր Բուդումյան